

Վարչական վարույթը վերսկսելու և վարչական տույժ նշանակելու մասին

«05» հունվարի 2023թ.

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարյանս, քննելով Իրանի Իսլամական Հանրապետության քաղաքացի էբրահիմ Ռեզաեիզհեսիլագիի (անձնագիր՝ V52984096, ԻԻՀ, ք.Մարանդ) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

2022 թվականի ապրիլի 22-ին ՀՀ ՊԵԿ ՄԴՊՎ ՍՏ բաժնի և ՀՄՎ Մեղրիի մաքսային կետ-բաժնի աշխատակիցները Մեղրիի մաքսային կետ-բաժնի տարածքում զննության են ենթարկել ՀՀ-ից ԻԻՀ մեկնող, ԻԻՀ քաղաքացի էբրահիմ Ռեզաեիզհեսիլագիի կողմից շահագործվող «VOLVO» մակնիշի, YY548KK, DD9430 պետհամարանիշի բեռնատարը, ինչի արդյունքում, նշված բեռնատարի վարորդի սրահի ձախակողմյա և աջակողմյա գրպանակից հայտնաբերվել են մեկական ունիվերսալ բաժանարար գլխիկներ, կցորդիչի հետնամասում նախապես պատրաստված փայտյա թաքստոցի միջից հայտնաբերվել է մաքսային հսկողությունից թաքցված 5 հատ էլեկտրական վահանակ անջատիչով, վարորդի քնելու համար նախատեսված խցիկի հատվածի ներքևի մասում նախապես պատրաստված թաքստոցի՝ թվով 390 հատ (ՔՅՇ 8) գրառմամբ փոփոխական ռելեի կոնտակտներ, թվով 405 հատ (ՔՅՇ 60) գրառմամբ ցածր ընթացիկ ունիվերսալ ռելե, թվով 313 հատ շրջանաձև միացիչներ, թվով 3200 հատ հոսանքի մետաղական դետալներ:

22.04.2022 թվականին ՀՀ ՊԵԿ ՄԴՊՎ ՍՏԲ Մեղրիի բաժանմունքի մաքսային տեսուչի կողմից ԻԻՀ քաղաքացի էբրահիմ Ռեզաեիզհեսիլագիի նկատմամբ ՀՀ մաքսային օրենսգրքի 201-րդ հոդվածի հատկանիշներով հարուցվել է մաքսային կանոնների խախտման վերաբերյալ վարույթ, իսկ իրավախախտման անմիջական օբյեկտ համարվող վերոնշյալ ապրանքներն ի պահ են հանձնվել Մեղրիի մաքսային կետ-բաժնի մաքսային հսկողության տարածքում:

Վարչական վարույթի շրջանակներում մաքսային հսկողությունից թաքցված ապրանքների շուկայական արժեքները պարզելու նպատակով 27.04.2022 թվականին նշանակվել է ապրանքագիտական փորձաքննություն, որի կատարումը, հիմք ընդունելով ՀՀ ՊԵԿ-ի և ՀՀ ԱՆ «Փորձագիտական կենտրոն» ՊՈԱԿ-ի միջև առկա պայմանագիրը, հանձնարարվել է «Փորձագիտական կենտրոն» ՊՈԱԿ-ին:

Վարչական վարույթի շրջանակներում թիվ 403 մտից համարի զեկուցագրով հարցում է կատարվել ՀՀ ՊԵԿ Հարավային մաքսատուն-վարչության համապատասխան ստորաբաժանմանը՝ ճշտելու վերոնշյալ ապրանքների մաքսային արժեքները և վճարման ենթակա մաքսային վճարների չափերը: ՀՀ ՊԵԿ Հարավային մաքսատուն-վարչության մաքսային գործառնությունների բաժնի թիվ 10 մտից համարի տեղեկանքի համաձայն՝ 2022թ ապրիլի 22-ի դրությամբ թվով 5 հատ էլեկտրական վահանակների /մեկնարկային՝ անջատիչով/ մաքսային արժեքը կկազմեր **75000** ՀՀ դրամ, թվով 390 հատ (ՔՅԸ 8) գրառմամբ փոփոխական ռելեի կոնտակտների մաքսային արժեքը կկազմեր **3 315 000** ՀՀ դրամ, թվով 405 հատ (ՔՅԸ 60) գրառմամբ ցածր ընթացիկ ունիվերսալ ռելեների մաքսային արժեքը կկազմեր **1 134 000** ՀՀ դրամ, թվով 313 հատ շրջանաձև միացիչների մաքսային արժեքը կկազմեր **939 000** ՀՀ դրամ, իսկ թվով 3200 հատ հոսանքի մետաղական դետալների և ունիվերսալ բաժանարար գլխիկի մաքսային արժեքները հնարավոր չի եղել տրամադրել, քանի որ փորձագետի կողմից շուկայական արժեք չի տրամադրվել:

ԵՏՄ մաքսային օրենսգրքի 2-րդ հոդվածի 1-ին մասի 25-րդ ենթակետի համաձայն՝ «Միության մաքսային սահմանով ապրանքների անօրինական տեղափոխում» է համարվում ապրանքների տեղափոխումը Միության մաքսային սահմանով այն վայրերից դուրս, որոնցով, սույն Օրենսգրքի 10-րդ հոդվածին համապատասխան, պետք է կամ կարող է իրականացվել ապրանքների տեղափոխում Միության մաքսային սահմանով, կամ այդ վայրերում գտնվող մաքսային մարմինների աշխատանքային ժամանակից դուրս, կամ մաքսային հսկողությունից թաքցնելու կամ ապրանքների ոչ հավաստի հայտարարագրման կամ չհայտարարագրման կամ ապրանքների վերաբերյալ ոչ հավաստի տեղեկություններ պարունակող փաստաթղթեր օգտագործելու միջոցով և (կամ) նույնականացման՝ կեղծ կամ այլ ապրանքներին վերաբերող միջոցներ օգտագործելու միջոցով:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 201-րդ հոդվածի համաձայն՝ Հայաստանի Հանրապետության մաքսային սահմանով ապրանքների տեղափոխումը՝ մաքսային հսկողությունից թաքցնելով, այսինքն՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ այդ ապրանքների մաքսային արժեքի չափով:

«Վարչարարության հիմունքների և վարչական վարույթի մասին» ՀՀ օրենքի 47-րդ հոդվածի 1-ին մասի բ) ենթակետի և 4-րդ մասի համաձայն 22.06.2022 թվականին քաղաքացի էբրահիմ Ռեզաեիզհեսիլագիի նկատմամբ հարուցված վարույթը երկարաձգվել է:

Վարչական իրավախախտումների վերաբերյալ ՀՀ օրենսգրքի 40-րդ հոդվածի համաձայն՝ վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որը չկատարելու համար նշանակվել էր վարչական տույժ:

Վարչական վարույթի շրջանակներում հարցում է կատարվել ՀՀ Ոստիկանության անձնագրային և վիզաների վարչությանը՝ նպատակ ունենալով պարզել քաղաքացի էբրահիմ Ռեզաեիզհեսիլագիի հաշվառման վայրը: Ի պատասխան հարցման՝ ՀՀ Ոստիկանության անձնագրային և վիզաների վարչությունը տրամադրել է տեղեկատվություն առ այն, որ քաղաքացի էբրահիմ Ռեզաեիզհեսիլագիի հաշվառման վայրի վերաբերյալ տվյալներ առկա չեն:

Քաղաքացի էբրահիմ Ռեզաեիզհեսիլագիի սահմանահատումների պատմությունը ստանալու նպատակով՝ հարցում է կատարվել ՀՀ ՊԵԿ Ներքին անվտանգության վարչությանը: Ի պատասխան հարցման՝ ՀՀ ՊԵԿ Ներքին անվտանգության վարչությունը տրամադրել է սահմանահատումների վերաբերյալ տեղեկատվություն համաձայն որի քաղաքացի էբրահիմ Ռեզաեիզհեսիլագիին 03.01.2023 թվականին ժամը 21:39-ին Ագարակ պետական սահմանի անցման կետով մուտք գործել ՀՀ:

ՀՀ մաքսային օրենսգրքի 219-րդ հոդվածի համաձայն՝ մաքսային կանոնների խախտման վերաբերյալ գործը քննվում է վարչական պատասխանատվության ենթարկվող անձի մասնակցությամբ: Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ **եթե անձը բացակայում է, և հայտնի**

չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

Այսպիսով, նյութերով պարզվել է, որ 2022 թվականի ապրիլի 22-ին քաղաքացի էրրահիմ Ռեզաեիգիեսիլագիին, մաքսային հսկողությունից թաքցնելով, իր կողմից շահագործվող «VOLVO» մակնիշի, YY548KK, DD9430 պետհամարանիշի բեռնատարով, ՀՀ մաքսային սահմանով տեղափոխել է ընդհանուր՝ **5 463 000 ՀՀ դրամ** մաքսային արժեքով ապրանքներ, այսինքն՝ քաղաքացի էրրահիմ Ռեզաեիգիեսիլագիի կողմից թույլ է տրվել ՀՀ մաքսային օրենսգրքի 201-րդ հոդվածով նախատեսված մաքսային կանոնների խախտում, ինչը հիմնավորվում է մաքսային կանոնների խախտման վերաբերյալ արձանագրությամբ, Հարավային մաքսատուն-վարչության մաքսային գործառնությունների բաժնի թիվ 10 մտից համարի տեղեկանքով: Վերոգրյալի հիման վրա և ղեկավարվելով ՀՀ մաքսային օրենսգրքի 201-րդ, 206-րդ, 219-րդ, 221-րդ և 224-րդ հոդվածներով,

Ո Ր Ո Շ Ե Ց Ի

1. Իրանի Իսլամական Հանրապետության քաղաքացի էրրահիմ Ռեզաեիգիեսիլագիին ճանաչել զանցառու ՀՀ մաքսային օրենսգրքի 201-րդ հոդվածով և նրան տուգանել թաքցնելով ՀՀ մաքսային սահմանով տեղափոխված վերոնշյալ ապրանքի մաքսային արժեքի չափով՝ **5 463 000 /հինգ միլիոն չորս հարյուր վաթսուներեք հազար/ ՀՀ դրամի չափով:**
2. Որոշման մասին հայտնել քաղաքացի Իրանի Իսլամական Հանրապետության քաղաքացի էրրահիմ Ռեզաեիգիեսիլագիին՝ պարզաբանելով ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ որոշումը կայացնելուց հետո 10 օրվա ընթացքում կամ ՀՀ վարչական դատարան երկու ամսվա ընթացքում:

Սույն որոշմամբ նշանակված փուլանքի վճարման հաշվեհամարն է. 900005024055՝ 5 463 000 /հինգ միլիոն չորս հարյուր վաթսուներեք հազար/ ՀՀ դրամ, նշել 30 կողք:

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ
ՄԾ ԳՆԴԱՊԵՏ

ԱՐՏԱՇԵՍ ՂԱՄԲԱՐՅԱՆ